

Standarisacion nobo di color blauw di bandera nacional di Aruba ta un hecho

ORANJESTAD — Parlamento a aproba ayera e ley pa standarisacion e color blauw di base di bandera nacional di Aruba. Desde 1 di januari 2015 e color aki su codigo ta bay ta Pantone 279C.

Ley a keda aproba cu un mayoria di 13 contra 5. Andin Bikker di PDR no tabata presente na e reunion. Parlamento a vota unanimamente pa declara e shoco como animal nacional y protegi di Aruba y pa implementa reglanan pa protegi e bestia aki y su neishi. Mocion aki a bin di parlamentario Chris Damers di AVP. Parlamento tambe a vota unanimamente pa un amienda den e ley cu ta mantene 'Larkspur' como e color blauw oficial banda di Pantone 279C, a pesa cu 'Larkspur' como color no ta existi mas. Adicion aki ta mas tanto uno simbolico cu cual kier a duna oido na inkietud di parlamentario Glenbert Croes. Un mocion di MEP pa pospone votamento te despues cu a consulta pueblo riba e color blauw di bandera a keda rechasa.



diferente signatura pa yega na un conclusion pa cu e problematica aki. Segun Roy Brete, funcionario di BID cu tur e tempo aki tabata forma parti di e comision, e situacion pa cu diferente banderanan di Aruba cu tur tipo di color blauw, di light pa scur y te hasta cu strea cu punta rondo enbes di punta, a sali for di man. "Te hasta turistanan tabata bin cerca nos y puntra nos cua ta e color berdadero di nos bandera y e berguensa grandi tabata cu nos no por a duna nan un respuesta drechi", segun Brete.

cu e otro colorman cu tabata wordo uza. Glenbert Croes di su banda tabata kier pa mantene e definicion original uzando e palabra 'Larkspur' y definiendo e codigo nobo den e toelichting di e ley. Chris Romero tabata muestra riba e hecho cu e color di e codigo nobo no ta exactamente e color di Larkspur, pero ta aproxime pa 92 porciento. Esaki segun Romero ta nifica automaticamente cu ta cambia di color, algo cu minister Otmar Oduber di Cultura y fraccion berde tabata keda insisti cu no ta e caso. Dangui-

a haci un contestacion basta fuerte y emocional riba preguntanan biniendo for di parlamento. Segun e mandatario e nunca lo bay hisa un bandera cu color falsifica. Oduber a indica cu for di momento cu el a asumi su puesto di minister di Cultura el a pone como meta su dilanti cu e lo bay drecha e asunto di color di bandera definitivamente. No solamente na Aruba mes, por ehempel den temporada di 18 di maart, pero tambe na hopi caminda den exterior a mira bandera di Aruba cu e color blauw cu no ta coreponde, y esaki mester cambia na un situacion na unda cos ta cla y tur bandera tin mesun color, asina minister Oduber a elabora. E integridad di e color y e claridad riba su componentenan ta un topico cu pe personalmente tin mas peso cu asuntonan politico manera e rapport di Cft of acusacionnan politico lansa contra su persona. E mandatario a bin cu un di e 14 banderanan cos original y e registro bieu Ingles pa ilustra su puntonan. Segun minister Oduber ta trata aki di alma di e pais y e tabata spera cu net pa e debate aki lo yega na un consenso. Sinembargo e debate aki a dura ocho ora largo y tabata conoce hopi muestra di division y tiramento di palabra entre e dos partidonan grandi. Obviamente e protesta cu a sali for di man diabierna pasa y expresionnan haci dor di ambos banda despues a contribui na e ambiente den e sala. □



cia di nan lider Evelyn Wever-Croes cu a bay di biahe pa Hulanda ayera, tabata di opinion cu no ta na parlamento pa haci un decision sin mas riba color definitivo di bandera. Xiomara Ruiz-Maduro a enfatisa cu pa yega na un decision mester consulta cu pueblo ya cu pa gran parti nan lo ta custumbra

Oduber y Ady Thijsen tabata specula cu kisas e cambio di color lo tin di haber cu posibel bentaha pa e compania di imprenta Damox cu lo tin vinculo familiar cu minister Oduber.

'Alma di nos pais'
Minister Oduber di su banda



'Larkspur'

Cu e ley aki ta yega un final na 18 aña di purba yega na un color filio hancra den ley pa loke ta e blauw di bandera Arubiano. Esaki pasobra e formulacion di e color blauw den e ley original di 1976, pues e color 'Larkspur' den e buki antiguo di registro Ingles di colorman di bandera, no ta existi mas den e codigo pantone cu ta wordo uza awendia. Un comision consistiendo entre otro di ambtenaarnan di Bureau Interne Dienst (BID) cu ta esun cu normalmente ta cumpra e banderanan di Aruba pa edificacionan di gobierno a purba bou diferente gobierno di

Historia confuso

Pero e historia confuso di bandera di Aruba ta bay mas leu ainda, te na e prome presentacion y hisamento di dje den Wilhelmina Stadion na 1976. Ta asina cu a pesar cu den e ley di bandera e color larkspur tabata defini, ambos e bandera cu a wordo presenta oficialmente na pueblo y esun cos cu a wordo hisa den stadion ta di un color diferente. Esaki pa via di diferente factor, asina esun cu tabata encarga cu e bandera tempo aya - entre nan Atan Lee - ta reconta. Anto eyan e debate di ayera a haya su tema. Fraccion di MEP, e biaha aki sin presen-